

29.v.20. & c.25.v.9.10. Nec inscitè Imperator Ludovicus Balbus, *Os garrulum, inquit, intricat omnia;* cui affine est illud Salomonis: *Mors & vita in potestate lingua est.* Notatur hoc vitio uxor Simsonis, Judic. 14. v. 17. & apud poëtas quidam Battus, de quo Ovid. lib. 2. Metamorpho. fab. 11. item Tantalus, de quo sic canit Ovidius:

*Querit aquas in aquis, & poma fugacia captat  
Tantalus; hoc illi garrula lingua dedit.*

4 Intempestivum silentium est, quando quis in tacendo modum excedit.

SCHOL. Hoc vitio tenentur qui ad aliorum blasphemias in Deum effusas tacent, nec solliciti sunt de nomine divino vindicando. Item si quis parentum & amicorum honorem, vel etiam suum ipsius silentio suo conculcari sinit, &c.

~~~~~

### Cap. XXII. De Verecundia.

**H**Actenus fuit virtus conversationis in affectu, gestu & sermone; sequitur quæ est in pudore, & dicitur Verecundia, quâ homo in pudendo decorum modum observat.

SCHOL. Græcè dicitur *αἰδώς*, item *αἰδησιμότης*. Distinguendum est autem inter Pudorem & Verecundiam. Pudor est vel naturalis, vel moralis; in illo moderando occupatur Verecundia. Moralis est vel moderatus, vel immoderatus. Moderatus idem est quod Verecundia, Schamhaftigkeit. Utrùm autem Verecundia virtus sit, à nonnullis dubitatur, sed immeritò, quia in dictis & factis moderatur pudorem, omnibusq; ætatibus, personis, & temporibus apta est, maximè tamen & in primis adolescentes decet. Quòd autem pudor dicitur juveni decus, seni dedecus, intelligendū id est de pudore, qui oboritur ex aliquo minùs honesto. Diogenes cuidam juveni erubescenti, atque ob id perturbato; Confide, inquit, fili, istiusmodi est virtutis tinctura, ut refert Erasmus in